

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj 7/10 i 3/23), na prijedlog Ureda premijera, Vlada Zeničko-dobojskog kantona, na 21. sjednici, održanoj dana 26.05.2023. godine, d o n o s i

ZAKLJUČAK

I.

Daje se saglasnost premijeru Zeničko-dobojskog kantona da potpiše Memorandum o saradnji Vlade Zeničko-dobojskog kantona i Privredne komore Zeničko-dobojskog kantona, koji je u prilogu ovog zaključka.

II.

Zaključak stupa na snagu danom donošenja.

PREMIJER

Amra Mehmedić

Broj: 02- /23

Datum, 26.05.2023. godine

Z e n i c a

DOSTAVLJENO:

1x Ured premijera,

1x Ministarstvo privrede,

1x Ministarstvo za rad, socijalnu politiku i izbjeglice,

1 Ministarstvo za obrazovanje, nauku, kulturu i sport,

1x Privredna komora Zeničko-dobojskog kantona, putem Ureda,

1x a/a.

MEMORANDUM
o saradnji Vlade Zeničko-dobojskog kantona i
Privredne komore Zeničko-dobojskog kantona

maj, 2023. godine

U skladu sa zakonskim i drugim ovlaštenjima i nadležnostima u oblasti privređivanja, programima rada, iskazanoj potrebi koordiniranog djelovanja na unaprijeđenju oblasti privređivanja, Vlada Zeničko-dobojskog kantona, koju predstavlja premijer Amra Mehmedić i Privredna komora Zeničko-dobojskog kantona, koju predstavlja predsjednik Diana Babić, (u daljem tekstu: potpisnici Memoranduma), potpisali su dana __.__.2023. godine u Zenici

M E M O R A N D U M
o saradnji Vlade Zeničko-dobojskog kantona i
Privredne komore Zeničko-dobojskog kantona

I CILJEVI I RAZLOZI ZA POTPISIVANJE MEMORANDUMA

Osnovni cilj potpisivanja Memoranduma je da se oblast privređivanja sistemskim i konkretnim mjerama unaprijedi, te učini efikasnijom, konkurentnijom i atraktivnijom za domaće i strane investitore, a naročito u oblasti djelatnosti malih i srednjih preduzeća, kao generatora razvoja i zapošljavanja, i značajnih poslovnih partnera velikih kompanija.

S ciljem ostanka mladih ljudi u ZDK, Vlada Zeničko-dobojskog kantona i Privredna komora Zeničko-dobojskog kantona dijele zajednički stav da je neophodno kontinuirano, sinergijsko djelovanje na unaprijeđenju privrednog ambijenta i obrazovnog sistema.

Potpisnici Memoranduma opredijeljeni su i odlučni da, u okviru svojih nadležnosti, ovlaštenja i programskog djelovanja, učine maksimalne napore na postizanju ciljeva ovog Memoranduma.

II PREDMET MEMORANDUMA

Radi postizanja ciljeva ovog Memoranduma, potpisnici Memoranduma su saglasni da je predmet Memoranduma međusobna saradnja u slijedećim pitanjima i oblastima:

- 1. Koordinacija aktivnosti prilikom kreiranja i donošenja zakonskih i provedbenih propisa iz oblasti poreza i carina, mjera ekonomske politike, s ciljem stvaranja povoljnijeg privrednog ambijenta. Posebnu pažnju posvetiti Zakonu o porezu na dohodak FBiH i Zakonu o porezu na dobit FBiH, te Zakonu o pripadnosti javnih prihoda u FBiH;**
- 2. Saradnja na apliciranju i implementaciji projekata finansiranih od strane domaćih i stranih donatora i fondova, a posebno EU fondova;**
- 3. Zajedničke aktivnosti na uspostavljanju i vođenju Registra o verifikaciji poslodavaca kod kojih se obavlja praktičan rad;**
- 4. Saradnja u oblasti obrazovanja s ciljem unaprijeđenja kvaliteta srednjeg i visokog obrazovanja i obrazovanja odraslih, saradnja u oblasti aktivnih mjera zapošljavanja**

shodno potrebama tržišta rada, kao i saradnja na unaprijeđenju i implementaciji zakona o obrazovanju;

5. Koordinacija aktivnosti s ciljem unaprijeđenja uslova poslovanja preduzeća komunalne djelatnosti na području ZDK, sa fokusom na projekte zaštite životnog okoliša;

6. Koordinacija aktivnosti s ciljem unaprijeđenja investicija i jačanja poslovne saradnje sa dijasporom i potencijalnim investitorima kroz informisanje, izradu publikacija o investicionim potencijalima ZDK, kao i drugim promotivnim aktivnostima koje bi imale za rezultat animiranje i privlačenje investora u Zeničko-dobojski kanton;

7. Organizovani nastupi na sajmovima u zemlji i inostranstvu;

8. Koordinacija aktivnosti koje će doprinijeti povećanju konkurentnosti malih i srednjih preduzeća sa područja Zeničko-dobojskog kantona (edukacije, naučnoistraživačke djelatnosti, organiziranje naučnih i privrednih skupova, digitalizacija, energetska efikasnost, itd.).

III VAŽENJE MEMORANDUMA

Ovaj Memorandum se potpisuje na 4 (četiri) godine, a stupa na snagu danom potpisivanja.

Svaka od strana može raskinuti ovaj Memorandum putem pismenog obavještenja druge strane. Memorandum postaje ništavan dva (2) mjeseca nakon datuma prijema takvog obavještenja.

Ovaj Memorandum ne stvara nikakva prava i obaveze u skladu sa domaćim ili međunarodnim zakonom.

Ovaj Memorandum je sačinjen u 2 (dva) primjerka, od kojih svaka strana zadržava po 1 (jedan) primjerak.

Broj: _____/23

Datum: __.__.2023. godine

**PRIVREDNA KOMORA
ZENIČKO-DOBOJSKOG KANTONA
P R E D S J E D N I K**

Diana Babić

**ZENIČKO-DOBOJSKI KANTON

P R E M I J E R
KANTONA**

Amra Mehmedić